

四佳集一

詩賦辭操

卷八


16  
2415  
1



和  
2415  
1-78

四律集序

文章之在天下也難  
以古今時代而有柔其  
高下盛衰則隨世道  
之外隆其以隆替  
而形焉結文莫難乎



詩、乃文之精者也夫  
自雅頌降而為國風變  
而為騷詞為漢魏為六  
朝為唐為宋元諸  
體作者輩出各柔  
律而斯可以觀世知

政矣者東方世稱文獻  
之國文字之古代不立  
人高句慕之乙支文德  
和羅之崔致意至於高  
麗金氏中富軾李相國  
奎報是其先者也迄于

季世為高李公倡以古  
文之學收陸父子從而  
和之吾如圃陸之嚴重  
陶陸之精鍊三峯之豪  
宕皆名家大手而陽村  
權先生亦其一也陽村

身任斯道研窮性理發  
明五經之微義以開來  
學之石牖其功切而私  
文大矣豈獨詩書之哉  
步矣五百年教者之英  
林天其遺也

祖宗之躬衣也  
憲大五格熙洽之  
闡文明之化禮樂典章  
亦是守繫一人材文物  
亦是身於一多者河東  
鄭文成公高陽申文在

公官城望文靖乘嶽金文  
平昔不羈英振秀以明  
國家之盛四佳徐安生  
賈陽村之補錫其乃於  
淵源家法多矣而與諸  
公齊驅岳駕於一何繼

寧城掌文衡今二十有餘  
年先生自童外已有能  
詩聲法、其佳篇如  
脍炙人口既擢第入  
坡、聲名亦無出其右  
者先生亦接古人之

妙奧深契其理如  
爾字思信筆點綴而動  
中繩墨味唾成珠先生  
其真三昧於詩者歟  
若夫規模之大原委  
李杜步趨之敏出入

韓白而其清和家道  
雅麗和平備諸家而成  
一大家先生其真集成  
於詩者也歟是以前庭  
縉紳無貴賤有得其詩  
者莫不燕弄以為之寶

至於觀覽上罔奉使諸  
路按部分符者其夫幽  
人逸士山僧野客袖卷  
和之者日夕至先生  
左右應揮翰如流是  
豈尋常文士之所可企

及也卯一竊觀其所集  
其摭古題詠贈送象輓  
之作若頌若賦若五七  
言古風古體歌行絕句  
萬餘首其詩集者五十  
餘卷序記說跋碑銘

墓誌每百餘篇為文集  
者二十餘卷宏深廣濶  
汪洋浩汗如水之川地  
匯而為湖海濤而為江  
河折而為溪澗融而為  
池沼隨其大小而盈焉



苟非本之而五種各之以  
諸子貫穿百代諫括六  
合明於事物之原發中  
性情之正身其所著述  
何能若是其富且麗哉  
先生以博通之學明達

之材歷藝苑出臺諫五  
帝諸曹出入黃扉跡四  
十年其銘鐘鼎而垂竹  
帛者忠亦詩拙之風、  
鑄、一追雅頌之音其所  
以超後代而復隆古者矣

在亦斯豈謂文章之作  
宜以古今時世而有柔柔  
歲在丙申祁左部順之  
使來于我也先生實承  
館接之命當其道途送  
迎之際原陋馳之駟餘攬

物興懷軫形歌詠與先  
生更昭送酌爭奇競雄  
欲以壓倒而先生左右  
逢源其和強款雖至累  
百益出益奇亦何嘗見  
害於彼耶是以祁終

乃蘇而將至曰如生奇才  
求之天下不易多得反  
部乞以之士而其難報  
如使才用之人益從  
我東方文教人寸之筆  
先生志所謂私家之

光矣雖然有先生集歷  
舉前代以及家東方遠  
古之詩士叙其次帶而  
不遺乎今者誠以文章  
之在乞以乞古今時世  
之矣而詩派之傳實在

先生其六  
統之傳叙  
湯文周孔  
以按於克  
舜之言  
欽先生  
其志不以  
考之為  
被矣  
存佛頭上  
著糞字  
志不遜其  
為人  
詩過  
志

以為四  
佳集為  
肯  
弘治紀  
元之歲  
言龍  
戌申正月  
人日  
純誠  
明庶  
佐理  
功臣  
崇政  
大夫  
西河  
君任  
元濬  
子深  
叙



甲佳先生集序

自入我

國朝以來文人詩主以著述  
者無慮數百家或能於詩而  
不能乎友上或可稱而詩不  
可稱也全而能之者謂之集

大成可乎集大成者其惟牧  
隱先生而已先生既沒寡仁  
百歲未聞其人賈凶佳徐相  
國生當氣化三盛運際  
文明已會領袖斯文久踰我  
紀其平昔著述充箱溢篋我


殿下右天興化以先生  
經幄元老待之尊敬  
清燕餘閒思攬所作  
命輯其詩文彙卷  
特賜乙夜之覽歎賞迺先  
生榮感

宸睽稽首以藏之一日出其卷  
以示主洪主洪伏閣僅漏如  
汪洋巨浸莫窺涯涘吳海  
若顛倒鎔商未暇記其梗槩  
也謹錄其起而嘆曰文章非  
一體能者互短長賦五於仲

宣而他文或不逮詩聖於子  
美而無韻則難讀洙水已不  
習西六南豐已文過其詩互  
乎兩者古夾難矣先生則不  
然文不主一家而兼備衆體  
詩雖會衆格而自爲一宗融

液古今變態不窮千載而言  
獨與牧隱並行當為我  
朝一大家數也餘北淺薄所  
能知也先生命主洪曰予嘗  
浮爾父子間爾翁既序吾集  
爾更無言主洪敬拜白唯茂

申仲秋通政大夫前承政院  
都承旨兼  
經筵參贊官春秋館修撰官  
弘文館直提學尚瑞院正西  
河任主洪謹書





四佳集目錄

序

詩集

卷之一

賦類

辭類

操類

卷之二

詩類

卷之三

詩類

卷之四

詩類

卷之五

詩類

卷之六缺

卷之七

詩類

卷之八

詩類

卷之九

詩類

卷之十

詩類

卷之十一缺

卷之十二

詩類

卷之十三

詩類

卷之十四

詩類

卷之十五至卷之十九缺

卷之二十

詩類

卷之二十一

詩類

卷之二十二

詩類

卷之二十三至卷之二十七缺

卷之二十八

詩類

卷之二十九

詩類

卷之三十

詩類

卷之三十一

詩類

卷之三十二至卷之四十三缺

卷之四十四

詩類

卷之四十五

詩類

卷之四十六

詩類

卷之四十七至卷之四十九缺

卷之五十

詩類

卷之五十一

詩類

卷之五十二

詩類

補遺

卷之一

詩類

卷之二

詩類

卷之三

詩類

文集

卷之一

記

卷之二

記

卷之三

記類

卷之四

序

卷之五

序

卷之六

序

補遺

卷之一

碑誌類

卷之二

雜著類

四佳集目錄終



四佳詩集卷之一

第一

賦類

次韻祁戶部大平館登樓賦

古者詩有和無次韻次韻起於後世至如詞賦前輩未嘗有次韻者蓋詞賦押韻必多有牽強拘澁之病此古作者所以避而不居也今先生有謁箕子祠賦江之水辭登大平館樓賦居正不揆鄙拙輒次其韻此實前輩之罪人而先生之所不取也然居正海外書生孤陋寡聞先生不鄙夷之肯與昌訓受賜多矣獨於詞賦計其工拙不訓答以負盛意

也哉此居正所以敢為前輩所弗為弗諱其短拙者也大雅君子必有言矣詞曰

余悲不及古之人兮塊獨處而無儔將取友於天下兮奈嚮塗之阻脩安能鬱鬱余一隅兮志蜚騰於九州顧脩名之弗立兮歲月儵其如坏知四十九年之既非兮其未徠者能幾粵皇覽余初度兮誓不墜吾莽志俟河清乎殺之限兮際皇明之治平日月赫以行天兮宇宙郁其文明奄八荒以梯航兮旅玉帛其庭實麟鳳兮林藪龜龍兮澤國夫惟人中之四靈兮吾弗能記其半也莫不蜚英而騁奇兮効其志而訓其願也茲聲教之遠暨兮被已先於三韓歲錫貢之相望兮路四千其漫漫偉

少海之重潤兮澤跂行而豕息誕泥詔之天盼兮亦何限乎禹之蹟也溘余候子於江之湄兮聊騁目兮巫閭卷九萬其鵬舉兮竊獨悲鷄離之平蕪也矯矯神龍之游戲兮嘶頰角摩巨浪慶星爛兮晴昊倚蘭茁兮羨壤緱之鸞亦可騎兮鳳又噦噦虜岐陽鼂余並鑣虜箕之都兮夕奉袂乎漢京我佩冠之陸離兮竦余神以觀聽何上友典墳之瀨靈兮續出入乎大雅之比興也寔固余之所願聞兮嗟又去此其何之也憺忘歸兮夷猶接步武之逶迤黃河滿其瀟漫兮屹泰山之巍巍吸沆瀣以內實兮披雲霓以外圍訪太一兮東方攀斗杓兮北極優游虜奎壁之宸府兮躩蹠乎萑根之窟宅

邈余骨凡而緣綫兮汎容與以追隨雖重譯弗可  
憑兮膽相照其何疑也初既與余成言兮寧不為  
之先路也詔百靈使徠迓兮僚雲集而雨下茲為  
僊府之清虛兮婉美人之清馥錦宴爛兮未央奏  
萋樂兮空桑青鳥回翔而西徠兮導瑤觴以訓獻  
滿堂兮賓客各懷抱兮琰琬解紉蘭以相遺兮卷  
芳氣之襲余芝輪羽蓋之先後兮羲娥並集而爭  
趨俄人散而夜靜兮洞房闋其無侶余雖矜節之  
信義兮嫌有娥之佚女凜清寒其冰雪兮覺身世  
之非凡天香携兮蒲袖寶唾霏兮四筵慨余骨之  
未蛻兮奈糠粃之居前哀人間弗可以久駐兮忽  
及顧而踟躕想玉皇之高拱兮儼霄衣之待旦履

咫尺其放恣兮皇乃敷腴而一繫望長安於日下  
兮渺星查兮銀漢方將凌雲霧而天遊夫豈蟻蠓  
之為戀也笳鼓發兮蕭蕭駑騎驅兮桓桓玉鞭振  
兮風飈僊袂舉兮鳳騫悵後會之難又兮留一言  
以為訣庶交際之無忝兮期永好而罔缺重為告  
曰侯之徠兮日邊侯之去兮帝鄉侯何脩而至此  
使我兮弗能忘猗至人之至德兮固衆人之所慕  
挹清芬而延躄兮曠百世而一遇示我以周行兮  
贈我以微言寫歷歷之披肝兮蓋目擊而道存也  
微夫子之洵美兮吾幾失於道德之門也

次韻析戶部謁箕子祠賦

有周方興兮有殷其淪伊豔妻之蠱惑兮鉅橋粟

塵嘻噫夫子之不時兮紂惡其氛夫何寥寥之忠  
誠兮荃藐藐予無聞比下死諫兮一何時運之疾  
也之子去之兮獨申誥乎曰師曰父也羗隱晦而  
自存兮子寧不於此而善處也嗟大厦之既傾兮  
豈弱木之可支也曰膏肓其已深兮又馬用夫良  
醫也邾之躋可立竦兮甘鴆毒其如飴憫宗祀之  
不血兮吾復捨此而何之廼不臣乎有周兮獨吾  
君其君也敷洪範而錫君民兮曾何獨善其身也  
義可圖存其祀兮盍忍為其奴也雖然胙土而分  
茅兮寧不為宗國而一吁也有截平壤有儼其都  
我受我封我東曰徂八條為教兮亦何有於為國  
也民到今受其賜兮宛遺風其如昨家禮讓而俗

雍熙兮以耕以鑿伊三仁之去就兮孰重輕而厚  
薄入自靖而自獻兮安所遇其若茲觀夫子之遺  
祠兮起千載之遐思倘非夫子之在吾東兮孔聖  
何以曰居夷順其志同歸仁兮吾信夫太白之碑  
也猗歟先生之有賦兮吾將求之黃絹幼婦之辭  
也

烏圓子賦

貓一名  
烏圓子

歲在大雞夏至之夕風雨晦冥夜昏如漆四佳子  
患心痞身不帖席倚壁而睡忽聞屏幃間有聲摩  
戛乍止乍作予有雞雛籠在卧榻之側呼童子而  
護之以防猫竊童子鼻雷其睡也熟予意老猫幸  
人之睡磨牙鼓吻於弱之肉也猝然奮杖而怒曰



四首詩集一  
養猫所以除鼠非為害物今反不爾惟職之闕當  
一擊而粉碎予於猫乎何惜俄有二物掠吾脛而  
閃去前者小而後者大狀若猫之捍鼠蹠童燭之  
鼠已屠盡而猫則寢處乎其所矣四佳子矍然驚  
曰猫捍其鼠乃職其職予不自明以忖以臆致疑  
於猫幾蹈不測嗚呼噫鼠之為蟲物莫比其賤  
毛淺不雋肉卑不薦尖鬚悍目孰賦爾質處溷圯  
壤孰爭爾窟循墻其詐托社其黠爾腹易盈何欲  
乎溪壑爾啄不長何銛乎戈戟善伺巧候晝竄夜  
縱穿我箱篋攪我盆甕我衣何完何粟何羸孰腐  
其嚇孰肝其烹地嫌忌器勢倚熏屋跳梁跋扈天  
壘厥惡此所以國風刺碩麟史書食當斯時不有

烏圓子驅除之功幾何不逝汝彼適者乎我嘗讀  
禮迎猫有法興我田功利民澤物子養烏圓子意  
盖如此同我衾褥分我甘旨惟烏圓子感激知已  
奮氣鼓勇効才展技矜然其聲耽然其視劃若電  
邁倏若風動鼠輩帖伏主臣人拱攫生搏走搶突  
竄熨或扶其目或截其首磔裂狼籍肝腦塗地擣  
巢盪穴無俾易種當此時雖封以肉食之俟日享  
大官之羞未足償功而酬德何一念之不察紛然  
致此惑也爾以直而賈害我以疑而枉殺我雖仁  
於雞雛而不仁於爾為鼠報仇豈理也哉嗚呼天  
下事理無窮人之酬酢有萬不同有疑於不疑有  
不疑於疑疑與不疑毫釐千里不揆以理而揆以

心不跡其實而跡其似靡有不鷄鼠於其間而致  
疑於烏圓子也呼童子而書之因以自矢

後觀魚臺賦

子嘗讀牧隱觀魚臺賦知臺為天下之勝  
觀以不得見為平生之恨今幸與諸斯文  
李廣陵世祐柳文城桂芬李全城仁錫金  
商山慶孫鄭孤竹錫堅偕來登眺瑰奇特  
絕宜甲於東韓諷詠之餘聊成小賦一章  
非敢僭擬牧老蓋發揚先生之遺意云爾  
戊戌孟冬有日達城子與客遊於觀魚之臺之上  
臺在丹陽海岸勢甚斗絕去天一握俯臨無地天  
水相連上下一色渺不知其幾千萬里而非涯涘

之可觀也子方凌汗漫超鴻濛發豪嘯吐霓虹杯  
視東溟而天下已小於目中矣嘉賓滿坐高談轉  
雷亦可以掀宇宙而撼海岳者矣蛟龍為之遁藏  
鯨鯢遂焉震懼雲開日晶風恬浪帖水清可鑑而  
可數游魚圍圍洋洋相忘江湖夫既得其所我復  
何芳餌之足虞也我傍有童子以手指魚目予而  
言曰鱗之族非一彼小者大者揚鬣者掉尾者吞  
舟者縱壑者有喙噉者有煦沫者有潑刺者其為  
狀千百而亦各有名吾可屈指以數而告之歷歷  
也予曰唉童子觀魚於海而屈指以數有是理也  
我無是理而求是道童子汝當索我於枯魚之肆  
矣言未既有鄭子者崇酒于觴長揖而言曰江山

如此樂亦無窮矣而於不飲何以哉予曰昔惠子  
觀魚濠上而南華老仙亦隨之魚之樂二子不知  
而二子之樂二子亦不相知今子非我焉知我之  
樂乎鄭曰赤壁而無蘇仙之賦蘭亭而無逸少之  
筆樂未足矣懽可極乎今觀魚之樂不減於蘭亭  
赤壁走以是知先生之樂而欲同先生之樂也子  
笑曰子不見夫穹壤之間洪纖巨細萬物職職者  
乎自形自色自鳴自走自飛自躍者何莫非物也  
唯魚躍二字詠於雅章子思子取之為道之費伊  
川論之為活潑潑地蓋形容道體之昭著莫斯言  
之為至韓山子著賦以見其志其曰傳之中原者  
亦必以傳道而自異亦然則觀魚之樂乃古人之

樂非予之所獨也噫古人不可復作兮惟斯道亘  
萬古而如一嗟予生之眇末兮聞道晚而然既樂  
古人之樂兮當與古人而同歸鄭子驪分燕尾喜  
深雀躍洗盞更酌浮我以白相與援北斗而夷猶  
兮待東方之月出

狎鷗亭賦

客有好茲觀覽之博大兮齋予志之漣漣夫豈鬱  
鬱予一隅兮超頽洞與空廣窮四際兮焉極閱古  
今而俯仰忽臨睨夫下土之積蘇兮孰知予之浩  
蕩弭予節兮漢臯登狎鷗兮騁目開乾坤之混沌  
廓宇宙之盤辟軼雲雨於下界挹沆瀣而上薄面  
四山之立立兮俯江流兮湯湯渺萬里兮泱莽涵

象象於森茫東望則列岳峻極上磨寥廓重岡複  
嶺龍跳虎躍金臺兮嶽岑華蓋兮崒崱六鼇燹顛  
頭戴蓬瀛天星分曜地軸効靈樂天崇兮畫棟荔  
陽屹兮危亭月岳嶙峋有江發源納驪水兮汪汪  
吞龍津兮沄沄逶迤廣津演漾三渡奔流百折蓋  
肆以注島楮子兮熹微數鷗兒兮回互鉅野掌平  
箭郊周遭沙苑盤回水草肥饒驪黃駉駉雲錦成  
章追風逐電天驕騰驤畋漁樵牧紛紜布濩擔負  
馱輦前驚後續南望則羣山糾紛蒼蔚葱籠五馬  
盤桓拱挹朝宗右冠岳清溪之峻嶒左大母日城  
之窮窿曰自畿甸區分四衝關河解邈周道如砥  
列郡星羅界畫疆理驛館碁布轍輻方軌間閭撲

地鱗次擲比黃畦綠畦彌望逶迤耕耘獲春競効  
農功蠶繰紡織爭脩女紅農桑千里家給人豐西  
望則海門峇呀瀾漫汨瀾鱗鱗鯨浪吞吐潮汐漢  
江雄關控扼襟帶舸艦牽聯檣帆掩靄絕壁巖崿  
傑閣峩峩下臨芳渚上插層霄縉紳卿士杖鉞分  
符或餞或迓冠蓋塞途來商徃旅攀援後先紛紜  
絲絡喧鬧駢闐近星壇之翦鬱控露梁於澶漫栗  
島兮烟開麻浦兮波寒龍山之漕舶織織楊渡之  
風帆飛飛吸秋興之灑氣來喜雨之清霏北望則  
道峯峭截三山噴岫華岳蓮開終南龍蟠神慳鬼  
秘乾轉坤旋金城設險玉闕麗天瑞日兮重光祥  
雲兮五色王道兮蕩蕩四門兮穆穆將相公卿臯

夔衛霍文人才士班馬劉荀翹英接武附翼攀鱗  
千門萬戶綴蟻點蜂衢樽春臺擊壤熙雍工商遊  
冶紛紛駮駮車水馬龍彭彭藹藹為四方之都會  
洞八窓兮無外此所以豁雙眸騁四望登眺自快  
者也至如韶光駘蕩萬物發毓風醇如酒日温如  
玉花木喧妍紅碧酣縹澄江新漲葡萄染綠可掬  
可啜宜鑑宜燭當此時憑闌徙倚舉酒叙暢有蘭  
亭風流舞雩氣象者矣及其南薰阜財恢台長羸  
麥秋奄逝梅霖快晴火傘既張畏日方赫焦山燎  
原金流玉鑠急雨懸河驚湍湧雪魚龍簸舞鳥鴨  
出沒當此時披襟露項俯仰詠觴可以滌煩暑而  
賭清涼者矣迨至天高氣晶風號樹杪明河耿熒

皓月皦皎蘭香馥郁菊馨窈窕雲山蒼蒼霜鴻渺  
渺潦盡潭清天水一色玉壺無塵淨影沉璧當此  
時倚柱遐矚神遊冲漠又何必賦登臨而悲搖落  
者乎若乃疑雲潑墨嚴風飀折積雪差我層冰互  
結冷雀查查寒鴉攖攖凍合無縫舟膠不涉商旅  
踟躕肌薰膚粟漁子逡巡龜手蝟髮當此時靈犀  
碰寒醉擁貂貉亦何數夫騎驢忍凍僵卧跣足者  
乎此所以四時循環樂與時適者也傍有詰者曰  
水靈以龍山靈以仙有地雖勝非人不傳武昌南  
樓以元規而著顯襄陽峴首以叔子而昭宣今子  
不本主人之德之業不究之亭之名之所以然得  
非觀簾隅之一曲而遺堂堂之大全者乎粵淮

源星岳孕靈名門食德世有俊英蟬貂聯奕鼎荆  
鍾銘堂堂上黨生膺昌期光廟龍潛一見受知  
風雲奇遇魚水相得手扶紅日龍飛九五乾清坤  
寧萬物咸覩公於是時從容帷幄蕭曹論議良平  
籌策泰山黃河雲臺麟閣出將八相文謨武略再  
長巖廊燮理黼黻屢杖鐵鉞鎮定疆域功莫與京  
德莫與崇位尊而心轉小寵極而身愈恭恒存挹  
損每戒知足處廟堂而思江湖飲膏梁而嗜淡薄  
有亭斯構寬閑寂寞上追綠野下友獨樂於是朝  
趨丹鳳莫狎白鷗托深盟兮不可寒庶息機而相  
夷猶也波綠潔而不可殮兮白雪羽之無塵也  
時往來而相近兮孰曰浩蕩而難馴也卷退食而

透蛇兮聊逍遙以自由也會龜魚而作主兮日尋  
壑而經丘也跡已同於散木兮心亦以之虛舟也  
此豈非超乎流俗之表而樂與造物而同遊者乎  
進則垂紳正笏保玉躬而補衮職退則黃冠野服  
侶魚蝦而友麋鹿掛冠之念雖切而萬姓之望愈  
重退休之志亦勤而一人之眷益寵是以雲漢昭  
回於櫛擘者天章之衣被草木也奎壁燦爛於楹  
宇者宸藻之繪畫日月也山川以之闔闢鬼神以  
之局鑄賁飾天朝之大手粧點一代之鉅筆此所  
以聲名滿於天地而仰若山斗者也然狎鷗者海  
翁之閑事而獨揭此名亭何取耶猗韓魏公是宋  
賢相元勳碩輔宿德偉量名亭狎鷗是見雅尚繫

鼻祖之懿範宜耳孫之取則前韓後韓同符合轍  
文武經緯參贊化育忠貫日月功存社稷佩國家  
之安危鎮民心如山岳公與忠獻二而為一求閑  
於急深之日佚處於強健之時盡山水優游之樂  
無物我忘克之私終始堅乎一節進退合於時宜  
公與忠獻孰仲孰伯皆能我忘鷗而鷗忘我是以  
能相熟而相狎也吾將與客窮隴西之麥彈江南  
之稻為醴為酒盪東海之波肩教倉之粟為麵為  
糗睥睨天地而籩簋開闔日月為戶牖攀南箕酌  
北斗邁從公于斯亭祝眉壽而黃耆然後更與白  
鷗而尋盟結歲寒之耐久鑄黃絹於蒼崖傳萬古  
而不朽客矍然改容落筆揮帚吐虹霓而作賦恍

若霹靂之在手也

希賢堂賦

繫天命沕穆而不已兮紛化生其職職維人得其  
最靈兮故秉彛之惟一賢與愚本其一初兮是誰  
豐而誰嗇行何為而舜堯也行何為而跖桀也曰  
余未有知兮惟立志之可言彼自暴而自棄兮菴  
不足與之論也惟立志者士也胡不希此賢也生  
余生於千載兮志余志虐古先上何高而不探兮  
下何深而不索揖臯夔之清風兮踵伊周之遐躅  
望孔顏兮千秋想周程於彷彿寧力不足而不及  
兮志專專其靡它苟此希之是誠兮曾彼何而予  
何也苟此希之不誠兮於自畫虐何嗟也固希賢

其有道兮曰惟誠之可立也夫聖可學而能至兮  
莫吾賢之不及也夫天可得而為徒兮莫吾希之  
家藐也世貿貿而莫知兮寢日遠而日亡偉瀛漢  
之有作慨為學之迷方擴前聖之未發兮著三希  
之至論其曰志伊而學穎兮意愈微而愈遠嗟世  
遠而人非兮孰講明乎斯義猗高陽之有人塊天  
質之秀異紛既有此內美兮又翼之以詩書涵性  
情以優游兮仍反觀虛性之初尚余友乎古之人  
兮猶遑遑焉是希爰揭號以扁堂兮恒念茲而在  
茲學巷額之攸學兮志不遠乎斯仁心莘摯之所  
心兮欲堯舜乎君民瞻高山之可仰兮戒九仞  
之功虧體乾運之不息兮一以誠其守之奇若人

之志遠豈苟安於小成將希聖而希天兮與三五  
以抗行也噫嘻虛善不由外兮名不虛得孰無聲  
而有響孰無實而有獲子之堂幽且深兮宜希賢  
之有此額也子之堂高且明兮宜希賢之有此人  
也嗟下愚之不移兮余何獨喪其真也非余無志  
而不成兮暨多歧虜亡羊也庶反求而自得兮行  
與子同升虜此堂也

蝙蝠賦 丁未七月 御題 印製

造化埜圜形萬物曰飛曰走或潛或躍種繁類  
殊鉅細不一蠢茲飛虫亦百其族鳳凰鳴于高岡  
兮覽德輝而翔集鯤鵬羊角而扶搖兮羗變化之  
歟翕鷹鷂之逐鳥雀兮我愛爾之逸翮也鵬鷗之



凌霄漢兮我愛爾之俊骨也燕知春秋之代序兮  
鴈隨陽而南北鸚鵡鮮毛而能語兮亦可友乎鶴  
鶴也烏鵲占時而報喜兮一何異於鵬鳴而鷓鴣  
也粵茲翩翩之蝙蝠兮吾不知其何物也身鼠而  
翼鳥兮何形質之怪奇而難狀也不書而即夜兮  
何蹤跡之暗昧而惆恍也又何用夫見朝陽而乃  
伏兮隨大陰而自得也豕肉不食於俎豆兮味豈  
合於肥腴無羽毛藻飾之可用兮豈爪牙器用之  
可適也哉儘天地之包容兮於汝微物而見貸也  
既無良材與羨姿兮又何患乎嫁禍而賈害也彼  
冥飛之鴻鵠兮或未免於繒繳嗟遐舉之鷲鷯兮  
亦有事於韝繼爾獨從容而自在兮亦不滿夫一

喙余嘗寂寞而塊處兮夜耿耿而不寐蛩哀咽而  
悽悲兮蛙亂吠而鼃戛然暢舒乎雅懷兮羗不厭  
乎耳聒也俄聞爾之一聲兮續怒髮之豎立也避  
羣動而逃藏兮尋厦屋而潛依曰茲形跡之詭秘  
兮甘與小人而同歸然於穹壤之間形形物物螻  
蚋蚩蚩紛紛職職蝨處於禪鷲巢於睫蠅亂黑白  
蛙爭鬪觸是天地稟賦之自然不可以大小形質  
而有別也爰揮筆而作賦於蝙蝠乎何責

辭類

次韻祈戶部江之水辭二首

每承佳作即步韻草率亂道非弗知其可  
砭也但拙速為貴技又止此恐貽笑於中

原耳詞曰

漢之水兮悠悠朝辭邈在兮天一頭  
塞使華兮弭節駕蘭舟兮橫中  
河雨師盍以清塵兮重陰捲兮  
長風驅鳳凰紛紛其翔集兮魚鼈鱗鱗其騰余我  
念美人兮如玉胡荒陬兮久留躑采幽蘭於九畹  
兮擘江蘿於江之際將以遺兮所思傷余心兮極  
浦捐余佩兮江中吾將捨子而誰與  
天風颭兮臨津漢水波兮粼粼我思君兮相追隨  
俄聚散之如雲樂莫樂兮新相知又何待先容於  
左右也悲莫悲兮生別離歲月倏忽其變候也膏  
吾車兮秣吾馬駕虬龍兮從鯉魚攬遺風兮開京  
撫往事兮九都鳴水渺兮在望向長安而西笑我

送我子兮我祖我道蓀何以兮去如飛將以遺我  
兮雲錦機

次韻張左副送別辭

余固知離別之為悲兮衢路漫漫其脩長翰余發  
朝於漢水兮夕送君虀馔之方鴨江滴其滄泮兮  
余安忍於此而遠將會日月之幾何兮傷春日之  
載陽夜耿耿而不寐兮忽焉望彼遼疆黃鵠翩翩  
其遐舉兮夫豈與鷄鶩而為行也哀荒陬弗可以  
久留兮焉為客而洋洋也歷吉日以啓行兮載雲  
旗之蜚敷邇吾衢夫閭之陽兮蹇將濟乎灤江望  
夫君而延佇兮吹參差兮鼓簧羌儵徠而候往兮  
使余心搖而輕颺夫惟九州之博大兮超恍惚與

決茫君既覽觀於四方兮曾莫與我葦周章天門  
蕩兮廣開五雲商兮帝鄉儼玉皇之赫戲兮文物  
爛昭其未央排閭闔而呈琅玕兮快景星之觀望  
猗美人兮滿堂君獨翩翩乎帝傍噫嘻別離之為  
悲兮登山臨水兮銷腸

盡古木辭

嗟爾挺挺之奇姿兮何獨立乎千仞之岡也志凌  
雲而冲霄兮曰自夫蒼蒼也何無桃李之妍姿兮  
偃蹇而昂藏也蓋材大而難用兮自古而然也夫  
既爾之尤兮亦何怨乎天也

佛叢辭為專上人作

佛之山深且逶迤兮佛之水清且連漪雲幽幽兮

石鑿鑿盟有白鷗兮招有黃鶴我嬰塵網兮我日  
思歸我既無簪紱之累兮亦何事於依違也登山  
有車兮涉水有航我將從白蓮之遺則兮奚悵悵  
而悲傷

山之中樂辭

丁酉夏落職在揚州兔山村墅作

山之中兮可樂有美一人兮獨處廓高山之蒼蒼  
兮流水之泱泱桂樹叢兮轆轤幽蘭茁兮芬芳松  
栢紛其蒼鬱兮又重之以脩篁予朝飧秋菊之落  
英兮夕坐嗅乎梅之香居有茅茨兮耕有菑畬釣  
有魚兮採有蔬我篋我遺兮我盞我羸我既無溫  
飽之足虞兮復何事於狗苟而蠅營也顧名途之

邈與我違兮志鴻飛之冥冥也予既使虎豹嗥以  
遠遁兮與蛟龍以潛藏也招黃鶴以夷猶兮友麋  
鹿兮翔翔也耿獨立而無伴兮甘寂寞而淹留悲  
清秋之搖落兮白日晼晚其西流然予幼清之未  
沫兮漠虛靜以自脩天宇寬以蕩蕩兮孰知予之  
從容忽有得於介然之頃兮夫豈茅塞乎其心胸  
也顧反觀以自訟兮嗟既往之不可追也予既偁  
夫時俗之軟羨兮直是是非非也何獨慕此奇  
服兮冠魏峩而缺陸離也世既好夫圓兮吾獨守  
乎方也世皆好夫炎熱兮吾獨踽踽而涼涼也忽  
然遭此無妄之災兮蹇不可釋也然吾無纖芥之  
疵兮又何患蔽而不白也嗚呼嘻噫頽回拾塵兮

不疑盜金匡章不孝兮仲子不廉相古人其曖昧  
而難明兮吾何獨於此而蓬之心也庶覽余初之  
所揆兮伏清白而不悔也好蔽美而妬賢兮固衆  
人之常態也靈氛告予以吉占兮天方玉汝于大  
成也予又感皇天之無私阿兮茲陳辭以抒情山  
之中兮可樂樂莫樂兮幽且獨幽且獨兮復焉求  
吾將以此而自惜

悲義塚辭

義塚者至正戊戌天下大亂國門東積屍  
如山高麗人仕元朝有資政院使者捐義  
財作阮數十每阮叢萬屍葬之設齋致祭  
刻楮爲錢以資苦趣時人義之號曰萬人

阮嘗時題詠者皆名賢今宗室富林君  
粧潢為卷求予辭云

噫嘻義塚之為悲兮曾歔歔予鬱悒哀萬姓之不  
辰兮值胡運之杌隄干戈紛其糜爛兮風塵頽洞  
兮六合旌蔽日兮敵若雲士爭先兮車錯轂凌予  
陣兮鏖戰天時懟兮神降毒肝腦塗兮地為赤曝  
萬里兮白骨殺氣漫漫其無垠兮白日翳翳其昏  
黑魂駑駘而無依兮莽洋洋而焉極何所獨無封  
狐毒蛇兮迷不知其東西南北也上烏鳶而下狐  
兔兮亦螻蟻之予奪也嗟人為萬物之秀兮稟陰  
陽之精英雖溘死而已矣兮魂魄毅兮神靈神以  
靈兮為鬼雄目不瞑兮萬古如生苟非仁人之至

性兮孰能感乎中情也忽臨睨夫下國兮屍枕籍  
而縱橫也心鬱結而不釋兮何以慰夫幽冥也志  
專專其靡宅兮與夫陰功之有成也上何求之不  
盡兮下何求之不精也叢萬屍而一之兮馬鬣累  
乎其崢嶸也嗟厚夜之復晨兮亦枯骨之再甦也  
嘗將憺兮壽宮將以娛兮國殤羗靈氛兮傳芭奠  
桂酒兮椒漿靈之徠兮連蜷芳菲菲兮彌章蕉黃  
與荔丹兮長無絕兮終古靈脩留兮神靈雨紛總  
總兮降祐繫掩骼而埋胔兮粵聖謨之昭垂也伊  
傾財而好義兮亦志士之所為也嗟若人之好脩  
兮保厥美而歷茲予生千載之下兮亦幼好此奇  
服紉芝蘭以延佇兮願承風乎遺則忽焉吊此遊

魂兮霑子襟之涕揮宋玉已逝兮景差非些招魂  
無路兮賦無詞些魂兮有知宜歸徠些歸來兮歸  
來上下四方無可依些

成景武哀辭

景武名允文

居正

丙戌登俊科同年也官

至嘉靖大夫漢城府左尹今年五月以病  
卒故葬于原州景武無幹蠱只有一庶子

幼弱可悲辭以悼之

冥冥玄化孰尸其權壽夭不齊誰使之然吁嗟景  
武兮何以至此頃聞沉縣兮我往觀止然精神之  
堂堂兮真勿藥而有喜今何以兮遽尔就木感念  
疇昔兮撫膺痛哭意與子之交際兮實非面而心

也夫既與之忘年兮亦利夫斷金也皇天之揆子  
初度兮肇錫之以信脩紛既有此衆羨兮迥獨立  
而無儔也志謇謇而為國兮我愛子之忠直也心  
耿耿而自信兮我愛子之貞白也羌崛強而偃蹇  
兮我愛子之挺立也夫豈與時俗而低昂兮我愛  
子之矯節也既淹貫乎古今兮我愛子之廣博也  
時談論之藹如兮我愛子之發越也猗文藻之雅  
古兮我愛夫黜然而日章也惟筆意之精神兮我  
愛異夫尋常也偉丈夫之落落兮夫豈與婢子而  
刺刺也飲無量而不亂兮寔孔聖之遺則也樂  
賓滿而樽滿兮亦北海之達識也遭時運之明良  
兮亦中外乎揚歷也嗚玉佩之鏘鏘兮腰金章之

若若也想沙道之依然兮官不可謂之不達也顧  
惟位之不滿兮亦不大乎厥施也嗟幹蠱之眇眇  
兮或天道之無知也嗚呼景武兮今何之昔子之  
與我相逢兮開壺樽以相屬示我以肝膽兮砭我  
以藥石交淡淡乎如水兮契已合於膠漆也何昨  
日之懽娛兮今直為此死別也瞻靈帷之翳翳兮  
杳音容之邈邈也悵轎車之載轄兮指北原以迢  
迢薤訶發兮露溥溥丹旄颺兮風蕭蕭哀攀呼而  
莫及兮霑予襟之浪浪魂之去兮不可留奠椒漿  
兮瀝腸

送梅上人辭

梅之操梅之德既孤且潔又貞以白何寂寞而無

隣兮耿獨立乎叢林嗟離世而拔俗兮芳菲菲而  
愈深夫既偁夫鼎鼎之實兮甘為山澤之癯仙也  
然根性之自然兮亦可種之福田也師宜問之大  
梅之祖黃梅之苗

青山白雲並辭

青山之幽幽兮白雲之漠漠想其中之有容兮窈  
深而繚曲有美一人兮獨處廓我欲一從兮果我  
非難報山靈兮有知毋使斂霧兮蔽端

虞美人辭

倚重瞳兮蓋世雄睥睨隆準兮無目中天不祚項  
兮玉斗碎曰至垓下兮噬難悔孫何以兮慨訶  
虞兮騅兮吾與汝何

采薇辭

曰采薇兮于首之陽其甘如飴兮聊以充腸不粟而薇兮謀何不臧哀今之時兮有周無商惟君子所重者義兮雖餓死其何傷瘡以此而長終兮將自獻于先王

悲擊筑辭

朔風淒兮北塞壯士行兮慷慨君胡為兮擊筑聞者悲兮駿竹七首不試兮荆卿失志嗟馬角而烏白兮竟秦讎之未復徒挾詐而嫁禍兮寧不為燕丹而一唾也

石婦辭

夫兮何之婦兮我悲望靈脩兮來何時靈脩不來

兮長相思長相思兮知柰何天地無窮兮海無涯寧化為石兮頑無知表獨立兮江之湄千秋萬歲兮心不移

送一庵專上人辭次姜晉山韻

吾聞九月之山磅礴而窮崇兮樹木輻輳曰杉楠也黃鵠尚不能過其顛兮仙禽異鳥羽毛之毵毵也飛淙瓊琮而噴雪兮澄潭黝碧而接藍也是出世絕粒者之所磐旋兮蓋深慕乎大雄氏之玄談也忽臨睨夫下界之紛拏兮徂朝暮而四三也粵我一老兮蓋後身乎瞿曇也溘東西南北之自在兮歷名勝而遍參也續既善幻而多技兮又重以詩道而善鳴也昔予之與師相別兮紛鬱悒余傷



情也鳳飄飄而高逝兮鷗泛泛而翔輕也山林深  
邃復不可攀兮虎豹遠遁兮猿鶴懼迎也洞門窈  
窕而閑鎖兮禪扉闃寂而重扃也靈籟吹萬其不  
同兮活水源源其清冷也汨予飽世味之酸辛兮  
竟未免蟻慕之羶腥也歲月候其如流兮能起我  
之愁城也羌聚散之有數兮忽邂逅而談空也撫  
少壯而悲歡兮哀矜鑠予衰翁也遽分手而還別  
兮言有盡而意無窮也一何繾綣之至此兮孰交  
淺而言深也逝將從支許之遺則兮曾莫與予乎  
逆心也膏吾車兮謝吾簪齋予生之宿願兮擬一  
往而相尋也續三笑於虎溪兮孰不曰方外之知  
音也

#### 四靈辭

客有以龍鳳龜麟四畫求予言者乃作四  
辭贈之嗚呼四靈之不見於世久矣吾夫  
子有已矣之嘆楚狂有殆而之誨至於西  
狩而泣麟則聖人憂世之意深矣悲夫

#### 神龍辭

圖于河兮卦于乾時潛時躍兮于淵于天雲之從  
兮雨霈然茫洋變化兮莫測其神若歲大旱兮夫  
澤施于人

#### 祥鳳辭

儀虞韶兮鳴周岐翔而下之兮覽德輝嗟吾已矣  
兮何德之衰匪德之衰兮哀我不時彼鶡者何見

此羣飛

靈龜辭

瑞呈洛兮貢錫江于以稽疑兮厥靈彰彰既曰先  
知兮匪短即長噫曳尾乎泥中兮猶勝巾箱慎爾  
話言兮南山有棗

瑞麟辭

吁嗟麟兮既靈且神世無其麟兮孰知其真西狩  
有獲兮瑞我聖人斯道之喪斯道之伸聖何心哉  
乃泣厥麟

秋風三疊辭送濟州李安撫使

耽羅在海外水程曷遠有跋涉之艱今州  
牧李侯感君恩之至重視滄溟如坦途

無持被刺刺之色八月中秋節式過其邁  
嗟我秋之為氣寥慄悽悲使人不能無感  
况黯然銷魂者惟別而已則千里之行可  
無一言乎擬作秋風三疊辭贈之情見乎

辭

秋風起兮天宇迥皓月皎兮明河淨叢桂之幽幽  
兮猗蘭之馥馥有美一人兮將遠適嗟我離別兮  
悲莫悲耽海渺渺兮天一涯乘長風兮破巨浪履  
溟渤兮如康莊欲往從之兮天水淼茫願言思子  
兮母使我心傷

秋風煽兮萬籟響玉露繁滋兮金氣肅爽予竊悲  
玄機之不停兮歲月如飛又安忍登山臨水兮送

將歸蟬鳴兮嘒嘒鳴飛兮冥冥塊獨處此幽廓兮  
誰適為情君之行兮如水知不可兮挽留願言思  
子兮毋使我心憂

秋風颯兮霜葉飛鷄鳴先鳴兮百草腓蟋蟀哀鳴  
兮夜止長之子之遠兮為參為商岸芷兮離菊誰  
與玩此幽芳滄海安流兮一葉能航跂予望之兮  
悵歸期之何時願言思子兮毋使我心悲

吳居士哀辭

孝永

嗚呼托交於生前而致哀於身後人情皆是若或  
致哀於身後而不稱揚生前行事之跡何以曰知  
已乎嗚呼悲哉知公者誰吾而不言孰能發揮荷  
若人之揭揭兮獨矜節之好備紛既有此內美兮

心復與之天遊德乃弼中而溢外兮蓋闇然而日  
章也珠藏淵而玉韞石兮雖弗銜而彌彰也漱六  
藝之餘賸兮挹百氏之遺芳也既博觀乎古今兮  
視俗儒於下風也陋科目而不試兮深媿夫繩墨  
之不中也昔子之屈小官兮猶蓋車之駕麒麟也  
鸞鳳之栖于枳棘兮亦不可謂之得意也奄掛冠  
而勇退兮羌脫屣乎功名也泥塗軒冕兮糠粃簪  
纓也日偃息而在床兮聊逍遙以適其情也跡城  
市而志山林兮我愛子之絕類而離倫也家饒足  
而薄自俸兮我愛子之辭富而居貧也日揮手而  
謝俗客兮門無輪鞅與車轍也身破裘而足弊履  
兮忘吾形以樂其樂也羌偃蹇而自高兮紛肉眼

其誰識也嗟夫子之抗行兮保厥美而歷茲也何  
天道之無知兮使伯道而無兒也我為子重為之  
嘆惜兮亦何無肖子之頓鈴也嗟幹蠱兮誰是子  
寂無人兮慰厥靈也昔予之卜芳隣兮托期牙之  
知音也夫既與之忘年兮交亦利夫斷金也每倒  
屣而迎我兮開壺尊以叙懷也談靡靡兮玉屑味  
蔗境兮漸佳也相與討論乎典墳兮亦掉鞅於詩  
之壇也時然燭而繼晷兮瀉歷歷之心肝也庶勿  
辜乎初志兮期永好而不忘也君既五福之俱全  
兮壽八旬而康強也噫予生之隕獲兮嬰百疾而  
沉綿也阻會晤之有日兮時序忽焉推遷也俄聞  
哲人之云亡兮言予心之楚惻也仰九閻而三叫

兮悵九原之不可復作也瞻馬鬣之孤墳兮鬱梓  
梧與松楸也蕉黃兮荔丹香火兮春秋嗟奠掃之  
無人兮悲莫悲兮悲莫悲也使明靈而有知兮知  
吾言之不欺也

操類

梅操為梅隱權先生作

梅之性白梅之操貞之德之馨之聖之清誰其好  
之曰我先生其腸如鉄如弟如兄

枕流操

我無我枕兮我枕我流濯吾髮兮濯吾纓濯復濯  
兮曝陽秋吾已遠夫濁世兮庶潔身以終吾生夫  
既源之源於天兮斯其流之至清也飲我食我兮

吾復求何告爾君子兮毋掘其泥毋揚其波

佩韋操

佩韋者何曰柔是師我性曰剛兮救偏者誰朝吾  
汝從兮慕吾汝隨又觀自省兮庶幾改之不吐不  
茹兮指古人以為期丁寧告汝兮我毋汝辜汝毋  
我欺

四知金操

我與汝好兮汝貶我金我不汝受兮祇告我心莫  
曰天高兮於赫有臨莫曰神遠兮洋洋居歆莫曰  
無知兮子知我知子莫我尤兮我與子其永有辭

鐵腸操

帝鑄汝以鐵腸兮百鍊其鋼剛不可屈兮亦不可

折慎爾自脩兮毋或乎繞指之柔也

金人操

我緘我口知我者誰言不可收駟不及追喋喋嘈  
嘈彼何人斯

悲秋操

蟋蟀在堂兮風淒其零露溥溥兮桐葉飛豈不思  
子兮我心傷悲  
蟋蟀在堂兮秋序催萬竅號怒兮月低徊豈不思  
子兮我心憂  
蟋蟀在堂兮夜未闌孤燈耿耿兮衣裳單豈不思  
子兮我淚沈瀾

四言詩類

白雲孝子思親也張左司大夫奉使朝鮮大  
夫人在堂七袞康強四月九日是初度之辰  
思念不已憂形言色夫勞王事而靡監忠也  
念慈恩而不忘孝也惟忠惟孝私恩公義於  
是兩全矣美而賦之以贍其行

望彼白雲載飛載揚我有萱草言樹之堂王事靡  
監有母不將有母不將胡然我心傷

望彼白雲于彼神京我有天只念我獨行豈不懷  
歸王事有程庶幾勤止無忝我所生

望彼白雲曰亦暮春四月維夏九日其辰言念初  
度我思我親我有兄弟能念我遠人

有蔚其林有集維烏其鳴啞啞誰教汝反哺我行

于邁歲月其徂我姑陟彼岵兮瞻望倚閭

靡怙匪母靡愛匪日言旋言歸稱我壽爵母曰嗟

余子行役王命是將曰既覲止其樂未央

張仲孝友令聞令德允也左司以嗣以續求忠於

孝天子之錫天子之錫維張侯是式

白雲六章章八句

四佳詩集卷之一

四佳詩集卷之二

第二

詩類

讀書法泉寺用康子武韻錄似權正卿擊  
立志堂堂少壯年男兒出處捲關天南陽忠義出  
師表北斗文章原道篇自古聖謨明似日至今正  
道直於絃此心耿耿憑誰語俯仰乾坤氣浩然

讀書法泉寺次正卿韻

山中來往有行滕靜愛招提閑愛僧紙帳遮寒風  
憾憾地爐通暖火騰騰不知窗外三更雪挑盡缸  
頭五夜燈努力明春塲屋事時時鴈字細如蠅

驪興道中遇雪次子武韻

驛程飛雪如梅花惆悵非因管物華身上弊餘慈

母線年年作客苦思家

讀原州興法寺碑

高麗太祖所製集唐太宗所書字

唐宗宸翰動龍螭麗祖奎章幼婦辭今日誰教傳墨本摩挲不覺鬢成絲

落第與太初劇飲大醉有作

柳誠源

當日姪娥惜一枝分無桃李及芳時萬金駿骨人誰識千佛名銜我不知拔劍高譌狂似鬼典衣沽酒醉如泥男兒大得寧無日安用悲吟眊矚詩

讀書兔山村墅同年尹上舍禮卿權上舍綸

李上舍孟智約來會詩以督之

燈火山中稍可親若言滋味舌生津茅窓糊紙明如雪土埃燒松盎似春文史三冬今轉富英雄萬

古不長貧草廬從此青雲起珍重時時謝故人

將往法泉寺與子武遇驪江繼有權上舍綸

金上舍命中來會偕往途中有作

去歲讀書處巨山又見招行裝高馬骨書史滿牛腰納納乾坤蕩垂垂道路遙英雄當會遇畢竟望吾曹

春闈已逼書懷示太初

風雪三更夜書窓坐不眠短檠蟻屬火破榻蝨生氈黃卷心徒醉青雲志已堅明春知有事誰著祖生鞭

初選為集賢殿博士入直書懷寄金校書孟盡閣沉沉玉禁中日烘春色透簾櫳御溝流水盪



凝碧上苑開花燒政紅金鴨火銷香荏苒銅龍水  
滴響丁東南窓獨坐無餘事點筆花牋語轉工

秋山菑為日本閩上人作

秋風嫋嫋江水波前山後山霜葉多穿林石棧相  
紆縈時見樓閣跨崢嶸野外風帘高百竿小橋倒  
影臨清灣蹇驢孤客何所之吟鞭指點行較遲別  
浦寒潮漲半蒿漁郎隨意移輕舫長天渺渺煙茫  
茫重洲落日蘭芷香當時畫史好事者想見丘壑  
歲膏肓披菑忽此心神融起我遠興遊江東江東  
蓴鱸政無恙日斲天涯半帆風

春日遊青坡用太初韻

尋春來渡小橋西零落殘紅襯馬蹄  
隔林幽鳥多

才思管領青山自在啼

八直鑿坡

清宵獨直覺絞單金鑰初抽夜向闌月在西廊花  
影轉星臨北闕漏聲殘畫屏雕燭光留豔寶卓香  
爐氣劈寒侍從清班思不次自慙身世轉踈頑

夢桃源菑為貴公子作十首

武陵何處是桃源無術躋攀歎洞門地馬分爭幾  
年代鷄蠶生長已兒孫一川花合春長在四壁雲  
深路不分自是漁郎多好事此中消息了難聞  
水滴銅龍漏刻長畫堂高睡斗淒涼雅懷不負丹  
丘興異境初移玉枕傍竹屋蕭疎深洞靜桃花掩  
映半溪香覺來物色依然是誰道神仙隔渺茫

偶然逃世是神仙，細逕潛通小有天。鑿石架巖何  
代室，採花食實不知年。羲皇日月三春裏，漢晉軋  
坤百戰邊。千古地靈藏不洩，要憑清夢世間傳。  
尋山不必強尋源，縮地煙霞自在春。花隱巖隈門  
半掩，舟橫浦溆水平分。採芝試伴商山老，鍊汞非  
貪上界真。莫怪人間音問隔，避秦元是避風塵。  
夙信天人雅想清，武陵春夢轉分明。縈紆洞口千  
回路，邂逅山冠一笑迎。玉砌丹墻頻指點，石田茅  
屋且縱橫。陪遊盡是儒仙傑，記得當時畫裏行。  
賴是神工顧凱之，筆端還有洞中思。玉仙恍惚天  
慳露，綃幅森羅地軸移。遠近峯巒相隱映，高低花  
木正紛披。焚香靜坐圖書裏，却憶晴窗遠樹時。

造物紛紛戲小兒，精神變化渺難知。邯鄲枕上黃  
梁熟，華胥鄉中白日遲。胡蝶悠揚多取次，馬牛因  
想自希夷。幾人夢到桃源洞，梅竹千秋一段奇。  
垂垂一簇畫堂高，意匠經營細入毫。作記遠過彭  
澤妙題詩，須倩退之豪。披圖不覺生新想，入筆何  
曾捲怒濤。若使清游陪杖履，也應身世屬仙曹。  
人間膏火日相煎，仙洞迢迢若箇邊。欲試豈無殫  
玉法，縱歸苦乏買山錢。未尋杜甫青精飯，空憶昌  
黎玉井蓮。乞得圭刀如可得，願乘鸞鶴訪羣仙。  
頭邊歲月去堂堂，彝走東華有底忙。好夢不長名  
宦路，歸情先在水雲鄉。靜中玄牝安心藥，閑裏黃  
庭却老方。早晚求田仍問舍，一篙春水鼓蘭橈。

雨後小坐獨吟

朝來雨初霽幽興滿簾隅  
日色温如玉春光潤似  
酥竹深飛燕子花落曉  
狂奴客至拚消晝清談當  
酒壺

移病

天公惡劇迺吾何落魄艱難病又加  
小雨南窓聊可意呼兒石鼎煮新茶  
病餘握粟問如何崇在詩魔與酒魔  
怪底送魔魔不去年前結習未消磨

病餘未赴朝衙仍有雪

小屋燈殘紙帳陰夜來密雪擁門深  
病餘不管朝衙早唱盡隣鷄尚擁衾

次韻朴仁叟學士早春見寄三首

彭年

瓦盆濁酒釀氤氳曉怯餘寒尚閉門  
欲和新詩呵凍筆竹林殘雪半猶存

一爐香縷細氤氳柳色將春入禁門  
日上花磚衙赴晚須知用拙道今存

園林風日好細氳捫蝨青山為掩門  
香縷縈簾脩竹靜中庸一部道心存

園中海棠盛開獨酌有興寄金文良

守温

漢陽四月春已歸只留海棠慰幽人  
幽人獨坐海棠下為作荒詩荅花神  
花雖不語可認意要趁良辰恣懽喜  
花間端不肯貧家我豈忘情獨負花  
徑典朝衫換新醅花前累舉三百杯  
酒酣意氣頗豪

醉倒為情榜入扶風流端麗兩相似我喚海棠  
作知己嗚呼少年豈得長少年莫對海棠惜酒錢

次韻李清甫學士三首 堦

瘦骨新添曉鏡中勞生草草又春風酒能解渴還  
成癖詩縱攄懷竟坐窮梅柳無情欺醜客乾坤有  
量著閑翁文章閣老聲名大多謝詩篇日幾筒  
悠悠身世小窻中短髮蕭疎不滿風射虎山中良  
不惡騎驢陌上亦多窮荒涼松逕陶元亮落魄梅  
花陸放翁漸覺疎才乖世用春江歸問釣魚筒  
光陰倏忽夢魂中早起書窓怯曉風羸馬弊裘張  
老興殘杯冷灸少陵窮一春疎憊無詩伴萬事蹉  
跎已病翁却望故山歸計早且須勤作灌遺筒

題姜景愚山水 希穎

烏帽黃塵兩眼昏故園歸思目紛紛江山一望三  
千里何處吾家煙雨村

雪後有興題寄太初德輿兩集賢

長安城中三日雪小片如手大如席起看天地瓊  
瑤窟無有萬里纖靄隔我聞山中時可獵鳥飛無  
聲獸無跡桃花駿馬黑貂裘牽黃臂蒼時一遊一  
箭可殪千年虎餘事紛紛伐狐兔赭山熾火殺如  
坻顧視鞍後雙鷓夷歸來大醉春滿面猶拭腰間  
白羽箭君不見騎驢陌上孟生酸破帽短鞭肩聳  
山一生冷氣無由刪

春坊入直寄德輿

陰雲漠漠度官城，小雨天街晚未晴。獨倚南窗冠  
不整，御溝新送落階聲。  
不用冷官怕熱官，藏身文墨可盤桓。丈人畢竟非  
儕輩，舉世滔滔自強顏。  
不才虛費大官羊，自愧官庭吐楮郎。潤色斯文誰  
巨擘，文章末技未爲光。

喜雨亭夜宴圖詩用諸公韻

世宗之駐蹕喜雨亭也，賜酒鑿坡侍從諸  
臣，命諸公子同宴。文宗在東宮，賜洞  
庭橘一盤，寫盤面云：檀梅偏宜於鼻脂膏，  
偏宜於口最愛洞庭橘，香鼻又甘口。臣等  
共侈，上賜作圖題詠以傳于世。

駐蹕城西擁瑞烟，當時侍從盡儒仙。清談玉屑陪  
公子，雅興金樽敵綺筵。好月有期來滿座，長江無  
際去連天。青宮賜橘尤新寵，綉幅傳神耀後傳。  
玲瓏香橘洞庭春，雨露恩涵色轉新。身際風雲逢  
聖代，筵開魚藻重詞臣。曾聞陸績懷慈母，更擬東  
坡遺細君。此日光榮誰得似，訝詩立進筆如神。  
長風吹下月如霜，湖上新亭十分涼。踏影欲追蘇  
老興，停杯為問謫仙狂。風露清宵銀漢裏，山河大  
地玉壺傍。身在蓬瀛人不識，衣巾來覲御爐香。

讀王荆公集題後

杜鵑當日哭天津，天下蒼生萬事新。相業早知能  
誤世，半山端合作詩人。

與太初訪李升卿于東窰納涼小樓下太初  
有作次韻

晚涼聊可意倚杖立晴沙南郭雲容變西山雨氣  
多榴花明薄葉梅子著疎柯烏帽風吹倒寒林已  
滿鴉

遂與太初升卿遊梵窰寺

長江一帶抱澄澄江上青山矗百層寺在虛無連  
翠靄行穿犖确挽烏藤香燒古殿來參佛日射明  
窓話對僧火劫茫茫塵界小無緣白日化飛昇  
太初升卿還入城遂向兔山村舍途中有作  
五月江村梅子肥江頭乳燕學飛飛小橋楊柳青  
青在夾岸人家半掩扉

急雨山塘渾水流菰蒲獵獵弄新柔閑行盡日無  
人處為有幽禽啼破愁

到村墅

地僻田荒二頃餘誅茅當日構蝸廬山中未擬收  
如橘池下終須種婢魚揚子一區行老矣陶潛三  
逕盍歸歟急流勇退知多少早喜青山分不踈

題安堅山水看冬景

江雲黯黯醺作雪玉龍夜凍鱗甲裂前山後山白  
皚皚渚清沙白江可啜遙看老樹黑如雲松風怒  
作洪濤喧誰家簾幙開晴窓火爐擁坐杯氤氳漁  
舟之子向何許短棹歸來入浦叟老僧信脚携短  
筇寺在虛無不知處憶昔探梅驢倒騎江天欲雪

未雪時當時我亦畫中人畫中不覺又有詩我今  
披晉手摩挲玉樓亦粟銀海花老來無興到剡溪  
石鼎聊試陶公茶

洪同年日休用工部絕句六首韻見示次韻

籬竹淨如洗池荷高出泥小窓初睡覺茅屋午時

雞

梅子黃初孰荷花紅漸多杖藜時步屨詩興定如

何

小筍穿墻角寒泉漱石根數鷺啼柳巷一犬吠花

村

黑雲遮地面白雨映山腰簷燕自相語池魚時復

跳

薜荔巧穿壁葡萄低滿簷矮窻風細細孤榻月纖

纖

挿籬防隴芋引水灌園花地僻少輪鞅隔墻三兩

家

再和六首

竹根工絡石蔬甲巧穿泥卷幔通飛燕開窻看闔

雞

荒園占地少幽樹得庭多獨坐身如寄浮生老奈

何

開畦移薤本貯水灌花根窮巷無塵鞅幽居類僻

村

筍抽黃犢角柳舞小蠻腰枝鵲占風語池蛙得雨

跳看雲時倚杖愛竹或巡簷簾幕微風動池塘小雨  
纖緩步尋芳草閑吟數落花乞詩無俗客送酒有隣  
家

寄吳隱君

平生丘壑心冠冕非所異忽嬰塵網中日月忽已  
駛未遂一身謀還為百口累依違復依違有似魚  
中餌慙愧吳隱君早脫功名餽囂紛屏已遠林泉  
得自恣矯首雲山高何日同飛翅

山居四時用諸賢韻書貴公子精舍五首

天低尺五有青山山與桃源伯仲間泉石何年初

一地風雲多暇便開顏落花流水心先到疊嶂輕  
霞夢自開好是藍輿日來往詩成取次破天慳  
兩山青送繞閑扉石徑蒼苔車馬稀小雨絲絲青  
筍長光風泛泛紫蘭猗錦鳩深樹花初遍晴燕池  
塘絮又飛靜裏有時尋藥圃園中滿意種仙芝  
芙蓉積翠羃濛籠人在蓬瀛第幾重簾幕暑催梅  
子雨衣巾香濕藕花風供吟階竹檀欒碧照眼山  
榴自在紅翫世何曾管簪紱北窓高枕鬢醒鬆  
梧桐老雨覺秋深攪起登山臨水心鱸下官盤南  
問玉香分客袖洞庭金黃花雅興風吹帽歸鴈高  
情月滿琴渺我從來多野興芒鞋布襪擬相尋  
松窓終日遠潮喧只喚梅花作比隣淦淦山雲寒



欲凍温温燈火盞如春  
米泉鑿落迷銀界  
雪樹槎牙糝玉塵  
坐穩團蒲燒榻安心是藥足  
頤神

再和五首

金章何故戀青山  
富貴唯餘一笑間  
好向山中成大隱  
會須大藥駐童顏  
緱山白鶴朝遊嶺  
函谷青牛夜渡關  
行樂地仙隨處勝  
坤靈不必為人慳  
春寒景物護深扉  
猿鶴前頭俗事稀  
雨濕柳堤千縷重  
煙拖竹塢萬竿倚  
一池淺碧鷗蕪淨  
滿院殘紅燕共飛  
步屐園中時倚杖  
石田處處秀三芝  
仙峯隱映瑞烟籠  
洞裏分明見別宮  
花氣滿山時作雨  
松陰拂地易為風  
香疑美酒荷筒碧  
味入瓊漿荔子紅  
日暮山禽啼散盡  
凭闌詩思轉鬆鬆

塵土東華萬丈深  
高人丘壑百年心  
尊絲帶露專欺雪  
菊蘂經霜解作金  
蛩泣蕙花連竹枕  
鶴翻松子落  
瑤琴青山不礙尋  
真路暫許吾曹去  
一尋擁褐閑眠靜  
不喧高蹤邈邈自無隣  
雪宵煮茗窓渾曙  
雲閣燒丹鼎已春  
矮柏心貞凌歲暮  
寒梅面瘦離風塵  
門前時有雙鵝客  
博得黃庭妙入袖

娛賓驛樓次韻

梓樹林深春日殘  
鷓鴣聲斷雨聲寒  
喚回一艇江南  
夢簾捲青山十二闌

送鄭先生賜出牧晉州

晉水明南紀  
商山照北堂  
為州尚可樂  
有母况能將  
忠孝全雙美  
聲名蓋一方  
嗟予何事者  
空抱望

雲傷

秋夜有懷

小雨燈花落西風燕子歸梧桐作夜雨敲枕憶庭

寄家兄

故里迢迢欲寄書青山無恙擁吾廬秋風獨上高樓望葉盡空林鴈正踈

哭李同年勿敏三首

國子新注簿春秋舊翰林踈狂不喜俗磊落寡知音面為吟詩瘦病因痛飲深九泉呼不起老淚欲霑襟

四十人間夢功名遽蓋棺眼前悲衆敵鏡裏吊孤

鸞淑氣山河返英材造物慳堂堂無復有馬鬣自生寒

慷慨無前輩蜚騰只數年滿腔都是膽出語動驚筵醉有劉伶鍾貧無鄭老甑平生多少榮忍使就長眠

將向大丘覲親踰鳥嶺

崎嶇鳥嶺似羊腸瘦馬凌兢步步僵為報行人莫相怨欲登高處望吾鄉

題栗峯驛

耿耿銀河月欲低藕花開盡小樓西美人睡起話離別鉄笛一聲心轉迷

次韻清道清德樓

問是伊西國閑愁不盡頭青山雲萬古黃鶴月千  
秋衮衮流年急悠悠往事浮登臨誰作賦題記憶  
崔侯

次韻慶州倚風樓

羅都猶想舊繁華寂寂樓臺護晚霞蒲目今朝禾  
黍地傷心當日綺羅家雞林黃落人何去鼇岫青  
堆日未斜欲酌英雄無處問倚闌無語岸烏紗  
物換星移幾歲華一區形勝老煙霞青山萬壘皆  
仙島白塔千層半佛家天上孤雲嗟渺渺城頭半  
月欲斜斜重遊不必慙前輩紅袖猶能勝碧紗  
江山如此愧才華誰繼前賢詠驚霞天襯金鼇雲  
萬里風生玉笛月千家樓涵紅日東溟近簾捲青

空北斗斜往事悠悠翻百感宦遊風味薄於紗

次韻密陽嶺南樓

佳麗南州別有天風流人傑想年前青回近郭山  
三面白抹寒汀水一邊但覺登臨閑日月未將詩  
句吞雲烟還慙過客麤豪甚屢發狂言動四筵

聞慶縣八詠

庭前楊柳

嶺南多少客折贈已無餘倚被春風拂長條故自  
如

窓外梧桐

微風吹一葉缺月掛疎枝忽此三更雨那堪萬里  
愁

蒼壁丹楓

赤葉藏青壁江山擅別區  
我來適秋晚佳致見曾

陰崖積雪

冬深冰滿壑春半水生溪  
物態隨時異人情老欲

烏井鍾樓

旅窓愁不寐孤枕月低徊  
何處寒山寺踈鐘半夜

龍潭瀑布

玉虹垂蜿蜒白雪洒清新  
莫問飛潛術須知變化

主屹靈祠

孱顏倚天末絕壁入雲中  
潤物雖無跡興雲自有

崑崙棧道

屈曲羊腸路逶迤鳥道奇  
峯巒一一勝遮莫馬行

明妃怨二首

朔風吹雪黑山深萬里明  
妃去國心一曲琵琶誰

解聽暮雲南北斷腸音  
陰山萬里漢魂迷青塚無  
人月欲低泉下劉皇如

讀漢光武紀

龍飛白水忽升天漢祚重興四七年豪傑盡思劉  
社稷乾坤不改漢山川黨光名繼夷齊後賈鄧功  
高衛霍前壠蜀盜兵兒戲耳輿圖終復入無邊

除夕用東坡韻寄成和仲二首

時律今除夕吾生似蟄蛇引杯嘗竹葉拈筆頌椒  
花歲去更籌促春回斗柄斜年年癡不絕明日賣  
誰家

檣喧工部馬壑赴子瞻蛇餽歲杯浮蟻迎春燭放  
花竹聲燒後裂梅影靜中斜書罷挑符了清談開  
一家

立春

節齋又是一年春節物班班入眼新北闕賜幡隨

彩勝西鄰送菜錯盤辛旋題門帖迎新慶為發盆  
醪對故人病骨侵尋羞對鏡每逢佳節暗傷神

青春詞

深閨兒女不解事一生只解悲青春衣裳漸寬十  
分瘦薄鬢易脫雙娥顰穿針刺繡還復置立向晴  
窓一欠伸裁成錦字憑誰寄年年空自思美人

送李主簿之湖南

傾蓋龍門已結歡河梁今日暗生酸淡交元與利  
交異生別還將死別難細雨黃梅官道熟暮烟蒼  
筍野籬斑君歸知我相思意處處江南有芷蘭

次韻李清甫題畫屏

奔走東華兩鬢秋十年不上釣魚舟袖中已草歸

田賦自信功名少到頭

次韻韓子鎮述懷之作

世路風波萬丈長何人名姓早深藏  
山林有興濃於酒門戶無人玉似霜  
漫喜文章從李杜何須富貴托金張  
浮沉萬古唯杯酒自哂狂生老更狂

攬鏡

清曉梳頭攬鏡看年來  
頰面倍癯寒此身可坐好  
詩罪驅盡閑愁入鬢斑

病中

抱疾不可寐耿耿秋夜長  
明月入我窻蟋蟀鳴我床  
石鼎沸藥聲暴雨鳴浪浪  
自可養真葆孰謂吾無良  
世事苦紛紛欲試囊中方

初夏即事

濃陰寂寂小樓西  
細草池塘綠已齊  
不識角巾花雨濕倚欄終日聽鶯啼

對酒詩

春城美酒黃鵝兒  
春風鱗鱗生細漪  
我今自酌三百杯  
湔洗胸中不平懷  
先生載腹卷五千  
當時所施豪芒然用則稷契捨皓綺  
此身終當一於此  
男兒生前會有遇  
丈夫死骨非徒朽  
唐虞世遠吾奈何  
對酒三叫詩狂詩

春坊入直書懷錄示成謹甫

一夜春風料峭寒  
青綾入直覺輕單  
衙溝新漲水猶在  
宮瓦皆平雪未殘  
滿案塵編遮病眼  
數鐘香

茗潤枯肝詩成為寄鑿坡客撚盡踈髯字未安  
生長乾坤俯仰間將身六尺任踈頑聖時不欲防  
賢路冷語何須得熱官造物乘除真戲劇功名毀  
譽足悲酸春坊學士人休笑朝日明明首荷盤  
自笑儒冠大闊迂平生陳跡似磨驢聲名每落諸  
公後文墨叨叅數載餘晚學唐詩那就熟閑措晉  
字輒生踈世間未有窮愁日欲擬虞卿早著書

謹甫有和復用前韻

坐我詩窮郊島寒龍鍾身世且孤單青黃化作溝  
中斷徵角生從爨下殘萬事終同惜鷄肋百年不  
欲殮馬肝一生我是悠悠者眠食唯宜著處安  
十年攀附衆賢間懶拙真同木石頑筆健誰如歐

學士詩寒我似鄭都官鶴鳧不必齊長短梅蘂白  
來異苦酸瓊重數篇誰得和明珠一一走金盤  
衆口雷同笑闊迂還慙小技似黔驢杜陵虛嘆囊  
錢澀靖節無求罄粟餘七十斲輪工已妙三年刻  
楮術還踈弱齡空把經綸志不讀人間非聖書

李胤保用前韻見寄復和

三分春暖二分寒坐擁錦裘怯冷單御柳絲搖黃  
欲彈宮梅蘂謝白初殘年光荏苒彫顏面酒力槎  
牙起肺肝十載宦遊空役役家書喜得報平安  
青衫白首利名間無地還堪著我頑匡老十年能  
到相揚郎三世不遷官心為形役身方倦命與仇  
謀鼻自酸更笑廣文寒到骨水精盞照杜陵盤

鄒賢仁義指相迂杜甫京華謾跨驢世事到頭徒  
自苦生平知足不求餘風流落衣冠盛放浪江  
東禮法踈多病邇來相見少故人皆著絕交書

復用前韻寄謹甫胤保

金闕差我碧瓦寒春風透入越羅單五更鍾鼓朝  
衙早一枕詩書午夢殘茗椀書筵露講舌鹽齏大  
學飽儒肝從來先輩輕年少愧向明時策治安  
壯元聲譽落人間樗散何人似我頑徐邈一中聊  
寓興退之三上豈求官稠食豆粥平生事冷灸殘  
杯到處酸賴有先生容我拙詩壇今日軟銅盤  
貧病侵尋活計迂詩情聊寄灞橋驢杏花消息愁  
邊到錦瑟年華夢裏餘學士風流多醜籍中郎潦

倒更龕踈自知儒術終無用悔殺從前苦讀書

謹甫胤保見和復用前韻

陰雲漠漠釀春寒獨坐燈前瘦影單西漢諸賢追  
已妙東坡一帙讀初殘文章本乏絲綸手風月元  
非錦繡肝攀附龍鱗真自空三年未席分宜安  
士龍蜚步入雲間齷齪從來我獨頑嗜學還同嗜  
羨灸得詩猶勝得高官人心料理顏先報世事商  
量鼻欲酸夜久小窓渾不寐東峯月色爛銀盤  
自嘆儒冠與世迂唯思日日醉騎驢閬仙行樂千  
年後孺子風流十載餘踏雪西湖寒料峭尋梅東  
閣影扶踈青山招我歸來興已草當年乞退書  
送崔直提學乞退還鄉德之



天惜賀監辭老日社開白傳退休年湖南何處蒐  
裘是詩酒今應作地仙

白頭奔走利名間舉世滔滔自強顏報得君恩何  
日是故園吾亦有青山

移病到村家留數月

數間茅屋半山隈今日尋梅走馬回雞爛屢逢鄰  
舍餉酒香同舉故人杯戶因逃賦年年減吏為徵  
兵日日來剩借燈前一夜話田家生理絕堪哀  
世事疎才百不能區區鉉槩是吾曾緣愁白髮三  
千丈墮興青山十萬層泥飲田家遭老父重遊野  
寺約高僧更知多病交遊冷一字何曾有故朋

途中書所見

雪盡原頭蒼有莽路傍採女競喧譁翁歸出糶何  
時返日午空腸不作詩

荒歲村村盡室逃唯餘老稚尚無聊賣薪鬻菜徒  
辛苦城市今年米價高

翁月賣糧赴水軍兒行營築又經旬新官不識民  
間事業去家家稅尚存

去歲新繰尚十斤當時蠶績正辛勤終然輸入他  
家糶慙愧年年不掩裙

茅屋嘆

先生茅屋依山前三年不茅屋已穿昨夜屋上雨  
兼風舊茅亦盡隨飛蓬大漏雨勢如翻盆小漏雨  
脚如垂筒屋中走避無乾處坐此浪浪空達曙呼

兒編茅俄補瘡茅薄又為風取去先生仰天空嘆  
噓豈無厦屋庇君居山南屋材多於織一取可使  
成渠渠風雨縱惡迺君何從前茅屋真蘧條

三陟竹西樓八詠稼亭韻

竹巖古寺

縱縱萬竹翠成圍古寺荒涼歲月非日暮雲深不  
知處居僧何處化糧歸

巖控清潭

潭如有量欲吞川下視蒼茫上渺然知有蛟龍泓  
處隱何曾一逐雨雲遷

依山村舍

豐年禾黍足村村里閑相從不閉門白酒黃鷄饌

笑語歸來扶醉月黃昏

卧水木橋

過盡一灘又一灘誰教獨木跨驚瀾此間容足無  
多地莫作尋常坦道看

牛背牧童

遠岫浮空翠似眉斜風細雨一蓑衣平生榮辱都  
無管牛背如舩穩跨歸

隴頭饁婦

纔饁晨殮又午殮野蔬山巖雜中間布衫半綻荆  
釵曲日日田頭解往還

臨流數魚

一水澄澄鏡面空游魚潑刺錦鬚紅分明可數還

無數前隊洋洋後隊同

隔壁呼僧

山僧不出水雲窟俗客長昏薄領叢喚得歸來坐  
相對茶煙細細颺清風

用成少年佩詩韻

愛爾頭角何顛昂作詩珠玉鳴丁當鑿坡學士無  
寸長只有藜莧撐空腸嗟爾久屈居胷率大匠袖  
手徒觀傍縱橫出入探老莊聖門已自升孔堂造  
化冥冥孰主張大鵬一去高飛翔寶氣衝斗埋干  
將五絃清越鳴陶唐平生謾有謫仙狂雪戶閉卧  
袁安僵逢人呼我為渴羌時有濁醪過鄰牆歸歟  
山中謀已滅明朝且試囊中方

又

成生便腹五經笥過眼生平不再讀吾伊窓下讀  
書聲此外萬事無足樂病夫到老事編簡終然踈  
懶一不得從教書幌暗蛛網底用牙籤三萬軸朝  
鍾暮鼓猶顛狂十年役役絆虛爵故園松竹閑多  
時招我置身一丘壑行當種木理荒田挈家歸去  
不踰闕有夢不到東華塵世事厭見蠻觸角

再用前韻

丈夫少年能激昂拔劍意氣人莫當高談有豕三  
尺長慷慨自信鐵石腸我冠兀兀講虞庠不為俗  
學校偏傍唾罵韓柳豈墨莊樹立吾道行堂堂吁  
嗟時俗喜更張羽翼異教參翱翔拈香然指趨相

將無怪滋蔓尤荒唐  
老生猶存舊時狂  
欲說未說半死僵  
安得利兵伐西羌  
追逐萬里揮門牆  
一生碌碌如屠臧  
何用惡圓徒好方

又

莫道腐儒無奇術  
少年孫吳粗已讀  
圯下早授黃石書  
胸中六韜自可樂  
噫嘻胡塵暗朔漠  
黃屋北狩歸不得  
中原多事方搶攘  
豺虎噬吞掀地軸  
新皇龍飛布天威  
大將鷹揚襲高爵  
手挽銀潢洗妖氛  
四海已免填丘壑  
嗚呼丈夫志有在  
豈但雌伏詩書闕  
我欲一獻平戎策  
凱還燕山喧鼓角

用成少年詩韻贈蔡子休

子休拔劍起舞何巍昂  
春風衫袖大郎當  
容姿七

尺鸞鶴長繡錦爛熳堆中  
腸憶昔與君遊膠庠  
穢形不覺珠在傍  
今君卜築南山莊  
四壁雪白開華堂  
有書萬卷琴一張  
優游今古與道翔  
功名努力及方將  
談笑靡靡傾軒唐  
病夫詩狂復酒狂  
破鞭羸馬頻顛僵  
烏鳶跼跼南征羌  
那似草屋頽門墻  
世事紛紛否與臧  
何處徃問安心方

琴中無絃不須彈  
案上有書不須讀  
人生萬事貴適意  
濠梁觀魚亦足樂  
我有囊中賣山錢  
幾年欲歸歸不得已  
倩畫工掃霜紈  
摹出輞川畫  
一軸紅葉白石清  
我心鷲啼花落無筭爵  
軟紅塵土萬丈深  
一點飛不到林壑  
鄒賢仁義不枉尺  
孔聖循道不履闕  
生平我豈繩墨者  
高誥南山叩半角

寒食村家遇雪

索寞江村冷竈烟梅花如雪雪如縣十千難買新  
豐酒百五政當寒食天已喜弟兄同令節尚驚顏  
駿異前年鬪雞走馬非吾事報答良辰謾興篇

題姜景愚畫屏 希顏

栗

西風驚地早霜飛八月孤村栗子肥為報羣狙休  
盡盜拂衣吾亦趁秋歸

瓜

秋風瓜熟子初稠籬落無人晚不收惆悵十年塵  
土夢東陵何處覓秦侯

橘

黃金磊落壓枝垂霜落江南九月時味自大酸君  
莫怪文章子固不能詩

茄

秋入田園見紫茄累累佳實著霜多憑渠欲作撐  
腸計肉食何曾掛齒牙

西瓜

精神秋水雪成團長夏尤宜薦玉盤多病相如空  
抱渴披圖不覺舌翻瀾

甜瓜

青門何地獨宜瓜寒蔓離披子已多豈不爾思嫌  
納履人間萬事復如何

葡萄

誰教引曼走龍蛟的的明珠滿架高只喜甜寒能  
解渴何須一斗換三刀

蓮房

淨綠搖搖抵死香花開次第露蜂房分取大華峯  
頭有一斤何妨乞我嘗

賀柳太初得男無述戲意

似聞佳氣夜充間喜得人間鸞鷺雖自信監田能  
產玉人言老蚌復生珠當時饋鯉名相瑞今日窺  
牛骨亦殊病客未參湯餅會聊伸燕賀拜成書  
孟光相對笑千場急索花牋賦弄璋陳氏與門當  
有望于家積慶也應長試啼更覺真英物入夢曾  
知是異祥可喜韋經終有托添丁不必愧盧郎

莫道劉郎見事非不嫌華髮更無兒雪山海果終  
難料秋菊春蘭自有時昨夜罷熊來叫夢明年鸞  
鳳定生奇會須喚得愚溪柳續作徐卿二子詩

美人尚

東風駘蕩天氣新繡圍綺幕生青春曲欄低拂萬  
金縷墻角蕙纖落紅雨紫氍漸暖錦帳溫博山香  
霧晴氤氳美人淡蕩春思多青銅對照悲乃何洞  
房曉起競梳鬢意態輕盈肌肉細頭上寶釵金鈿  
粧腰間雙佩蘇合香阿娘纖指白雪柔珠簾高掛  
珊瑚鉤瑟瑟彈盡相思愁阿姝高髻壓花低三三  
五五尋芳蹊羅襪步步生香臍阿兒空衣學語聲  
健如黃犢嬌如鸞遙看墻外駿馬嘶雕鞍墜落錦

如畫詩林二

二

幃泥五陵榮貴最少年風流端麗天下先春遊春  
遊樂復樂傳語風光莫虛擲安得長繩繫羲娥英  
華鎮長顏如花君不見破帽蹇驢杜陵酸曲江當  
日眼空寒我今見圖仇傳神三叫不覺呼真真聊  
復短詞詒麗人

送鍾城鄭府使種

悠悠關河道寇風光陸離腰間三尺劍炯炯蟠蛟  
螭目中少北胡捲欲斬郅支功名豈不重壯心當  
如斯聖主兩階化將軍六韜奇奮儒政安用空負  
少壯時拔劍對相笑送君詞此詞

送倪翰林使還

名謙

玉暑儒仙捧帝綸文星移照海東濱獨賢望重推

鸞鷲專對方高識鳳麟禹甸山河歸版籍箕封民  
物入陶鈞吾王事大忠誠篤敷奏煩君徹紫宸

送司馬給事使還

名恂 四卜韻

龍飛新御極鳳曆更須春日月輿苗廣山河雨露  
均士多周雅吉儒出宋朝真偉矣先賢後袞然聖  
代臣餘芳應未艾世德自相因固識青氈在深知  
素履純聲名金榜動寵渥錦袍新紫闥初通籍青  
雲早致身苗南鵬翮逸空北驥蹄躡華頂孤飛隼  
人間獨角麟風標瞻玉樹霜節比蒼筠物議推崇  
久天心眷注頻秋科常給事朝陞儼垂紳華蓋天  
常近蓬萊地益親龍喉演綽綽絳舌上星辰鳳闕  
頌明詔鸞行得俊人我冠捧芝甌受節下楓宸風

雪燕山路煙波鴨水濱膏車經坦蕩叱馭幾嶙峋  
于海東漸遠如濡六轡詢吾邦尚文獻舊俗自真  
淳禮義思中夏衣冠想盛辰二星方動象雙壁喜  
同茵醞藉儀刑著周旋法度循獨賢心靡益專對  
氣尤振鄙拙何嫌陋清芬得拜塵渚蘋誠可薦汀  
篔佩應紉目擊知存道心孚若飲醇談濃通蔗境  
詩好逼薑辛魯縞聊還報越金非所環柳堤金鞞  
綠水澗玉生鱗佳節春方屆征車駕復麟麒麟還  
舊穴鷓鴣上青旻去必承皇眷行當秉國鈞朱絃  
且清越大器自輪囷異業歸鍾鼎華勲勒玉珉顧  
余生僻陋常愧獨逡巡變魯心雖切觀周志未伸  
奉別那堪恨題詩獨悵神江山忽迢遞魂夢正紛

續此日回征旆何時謁帝閭民謠應採獻王業定  
繡綸為報東藩國千秋仰至仁

又送倪翰林代人作

六龍駕御扶日轂大明赫赫麗蒼穹坐開明堂布  
陽春丹詔夜下蓬萊宮玉堂學士駕星軺遙遙來  
指天之東鶴野飛雪襲貂裘鴨江波細橫蘭舟鷄  
林鵠峯入睥睨三山出沒金鰲頭馳驅叱馭經險  
難壯哉弧矢仍冥搜丹旌羽蓋戒前程錦袍玉節  
相暉明三韓共識羸洲仙快覩祥麟與景星手捧  
芝匭夾傳宣周旋禮儀還無愆從容專對意氣振  
文章餘事俱入神談笑縱橫吐虹霓胸襟磊落羅  
星辰奇哉光燄萬丈長藻句出口頻驚人牢籠風



月入錦囊汗漫天地仍周章小邦僻陋難久留念  
念駕言回征軒春風吹入太液池霽雲高擁丹鳳  
樓君歸承寵詔鹿鳴上林爛熳聞啼鴛君看海上  
蟠桃樹千年一實飽霜露摘向金盤獻至尊萬歲  
垂拱臨東藩我有大繭出扶桑五彩燦爛成文章  
贈君黼黻舜衣裳要令四海昭回光

送副使

代人作

龍頭聲譽冠朝簪萬里傳宣捧德音驛騎如飛烟  
野闊貂裘易薄雪山深前驅喜見相如弩垂橐會  
無陸賈金使罷星軺還北上清詩高價滿鷄林  
聖皇御新極推恩及東方賢侯受使命玉節何暉  
煌端姿皎冰雪令德如圭璋威儀已可則出言仍

有章而我苦無似何幸攀清光謬蒙辱知待感激  
安可量頻頻獲佳什珠重愈琳琅相懽未云幾別  
離門太忙臨歧不忍別交手空彷徨蕩蕩白玉京  
遙遙滄海濱江山渺南北道路阻且長會面諒未  
易我心悲以傷去去更自勗寥廓高飛翔上副明  
時需下慰相思腸

題姜景醇所藏日本高僧畫山水八景 希孟

梅塢殘春

遠岫攢空翠似堆梅花屋角雪繁開何人步履尋  
春去笑指青帘緩步來

雲林長夏

朝來嵐氣滿西山清樾陰陰作雨寒未信人間汗

如水樓臺多少挿雲端

海岸千檣

隔岸青山喚不來白鷗春水碧於苔  
檣帆高下多如織去去江南幾日迴

渡口長風

納納江湖半日風布帆無恙向江東  
忽然攪我江東興仔細相看是畫中

蘆渚羣鴻

蘆花如雪滿江秋落日長空鴈影稠也  
合冥飛避繒繳失身元為稻梁謀

烟江萬竹

暮暮晴煙矗一江萬竿如束碧  
縱縱江南客興知

多少取次移蓬不閉窓

湖亭秋月

天光上下鏡澄寒激艷雲端月似盤  
一棹孤舟向何處玉人無語靠欄干

江村霽雪

漠漠頑雲撥不開滿山飛雪玉崔巍  
孤舟釣罷歸來晚何用山陰興盡回

淨友亭為貴公子作

新構華亭特地涼小池清淺藕花香  
翠雲繚繞天涵影紅霧空濛日護光  
肯許貞姿污鉉粉自將馨德沐蘭湯  
燕間相友多三益莫遣羣芳近座傍  
小風吹水動連漪十里荷香自一池  
勝賞不須搖

艇去風流都在倚闌時紅粧翠蓋扶相似白雨青  
煙映相宜風信高人多雅趣天開罨畫入新詩

送柳士初休復之全羅村舍

人生一世間有命懸在天昧者好在尋直道唯守  
絃舉世皆滔滔莫分方與圓柳氏既不遭名韉非  
所纏平生丈夫志落落師古賢舉舉今何征朔雪  
明祖筵田園入我想松竹凝寒煙自云醒者樂豈  
與醉人傳揖我出門去落日催行旃我嬰塵網中  
生死猶狂顛送君不可隨別淚徒瀝瀝

次韻永川公子園中四詠

巖春塢裏百花開小雨如酥昨夜來盡日憑闌香  
滿袖更看花影月低徊

林梅已子杏生仁綠樹濃陰香四隣一陣南薰吹  
午夢冰漿水簟總宜人

賞蓮傘雨轉淒淒黃菊東籬晚興迷一夜小樓涼  
似水碧空明月老梧西

梅花殘臙氣氤氳金鴨香銷早掩門門外松篁知  
幾丈夜來吹作海濤喧

憇大慈菴仍向臨津

山中策羸馬寺裏別高僧樹密雲俱暗沙明水自  
澄荒陂尋古碣斜日吊前陵莫怪悲秋客登樓恨  
可憑

臨津晚渡

青山兩岸渡江來南浦晡時潮又回穩發官舩詞

下泊西風無數荻花開

寄成和仲

君不見青衫白首杜拾遺許身稷卨人更嗤又不見痛飲狂譎李翰林托意喬松遺世心兩賢窮達不足議萬古高名隘天地人生於世縛軒冕此物倘來何足戀遇則伊周不鄰魯胸中浩氣塞今古萬事紛紛翻覆手陶鑄乾坤一杯酒我家春甕初發醅思君一夜梅花開

病中

久作纏綿疾頻驚節序忙梧桐昨夜雨鴻鴈五更霜

病不赴朝曉起有作

東鄰鷄啞啞西窓月炯瑩孤客坐擁衾不語心耿耿俄聞五更搗滿路輪蹄譁有詔許休暇幸哉無朝衙懶拙已成癖欲起還無能委蛇散腰脚亂髮踈鬢髻呼兒吸井華石鼎煎新藥婢懶卧前楹齁齁睡正熟三叫默不應似癡還似黠四顧但無聲蟋蟀鳴壞壁庭梧撼風露滿意生淒涼病骨已復醒稍覺秋夜長

應製榴花詩

文宗大王在東宮榴花絕句云華鴿籠邊百葉明感時含雨曉霞成何故不捐踈冷態自嬌紅嫩笑朝廷

磁盆百葉照華堂誰遣花神別樣粧忽見捧心紅

四佳詩集卷之二  
皺面便教均肉絳成腸偶逢西使携孤艷時倚東  
墻遲晚香夏賦韓篇渾漫與天章光燄射天長

四佳詩集卷之二

